

**BOSNA I HERCEGOVINA  
FEDERACIJA BOSNE I HERCEGOVINE  
VLADA**

**PRIJEDLOG**

**ZAKON  
O IZMJENAMA I DOPUNAMA ZAKONA O FAKTORINGU**

**Sarajevo, februar 2020. godine**

## **PRIJEDLOG ZA DONOŠENJE ZAKONA PO SKRAĆENOM POSTUPKU**

Donošenje Zakona o izmjenama i dopunama Zakona o faktoringu predlaže se po skraćenoj proceduri usvajanja, radi propisivanja mogućnosti zaključenja akcesornog (naknadnog) pravnog posla ustupanje predmeta faktoringa na pružaoca usluge faktoringa od strane povjerioca.

S obzirom da izmjena ovog zakona nije složena i da je manjeg obima, smatramo da su ispunjeni uslovi iz člana 172. Poslovnika Predstavničkog doma Parlamenta Federacije Bosne i Hercegovine („Službene novine Federacije BiH“, br. 69/07 i 2/08) i iz člana 164. Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“, br. 27/03 i 21/09). Stoga se usvajanje ovog zakona predlaže po skraćenoj proceduri.

**ZAKON  
O IZMJENAMA I DOPUNAMA ZAKONA O FAKTORINGU**

**Član 1.**

U Zakonu o faktoringu („Službene novine Federacije BiH“, broj: 14/16) u članu 11. stav (2) riječi: „razliku između tražbine i isplaćenog avansa umanjenog“ zamjenjuju se riječima: „iznos tražbine u visini isplaćenog avansa uvećan“, a riječi: „i naknade faktora“ brišu se.

**Član 2.**

Iza člana 24. dodaje se novi član 24a. koji glasi:

**„Član 24a.  
(Ustupanje predmeta faktoringa)**

Na ustupanje predmeta faktoringa na pružaoca usluga faktoringa primjenjuju se odredbe propisa kojim se uređuju obligacioni odnosi.“.

**Član 3.**

U članu 102. stav (2) mijenja se i glasi:

„(2) Protiv prvostepenih rješenja Agencije može se izjaviti žalba Drugostepenoj komisiji Agencije.“.

Iza stava (2) dodaje se novi stav (3) koji glasi:

„(3) Postupak po žalbi provodi se u skladu sa propisom kojim se reguliše rad Agencije i provedbenim aktima Agencije.“.

**Član 4.**

Ovaj zakon stupa na snagu osam dana od dana objavljivanja u „Službenim novinama Federacije BiH“.

# **O B R A Z L O Ž E N J E**

## **ZAKONA O IZMJENAMA I DOPUNAMA ZAKONA O FAKTORINGU**

### **I. USTAVNI OSNOV ZA DONOŠENJE ZAKONA**

Ustavni osnov za donošenje ovog zakona sadržan je u članu III. 1. tačka c) koji je izmijenjen amandmanima VIII, LXXXIX i CVI i članu IV. A. 20. (1) d) Ustava Federacije Bosne i Hercegovine, prema kojima je u isključivoj nadležnosti Federacije donošenje propisa o finansijama i finansijskim institucijama Federacije i fiskalna politika Federacije, a Parlament Federacije, uz ostala ovlaštenja predviđena Ustavom odgovoran je za donošenje zakona o vršenju dužnosti federalne vlasti.

### **II. RAZLOZI ZA DONOŠENJE ZAKONA**

Ministarstvo je zaprimilo inicijativu Udruženja banaka za dopunu Zakona o faktoringu, koja je upućena Predstavničkom domu Parlamenta Federacije Bosne i Hercegovine, u vezi s izmjenom ugovornih odredbi u pogledu rokova dospjeća naplate tražbine, koja u predloženom tekstu nije prihvatljiva, te je predložena dopuna kao u tekstu zakona.

Ugovoreni rokovi između kupca i prodavca definirani kupoprodajnim ugovorom se ne mogu mijenjati na osnovu ugovora o faktoring poslu, shodno definiciji faktoring posla, gdje je u osnovi kupoprodaja postojeće nedospjele ili buduće kratkoročne novčane tražbine nastale iz osnova ugovora o prodaji robe ili pružanja usluga u zemlji i inostranstvu, ali postoji mogućnosti zaključivanja akcesornog (naknadnog) pravnog posla tj. cesije, te se na osnovu predloženih odredbi daje mogućnost ustupanja predmeta faktoringa od strane povjerioca na pružaoca faktoring usluge.

### **III. USKLAĐENOST SA PROPISIMA EVROPSKE UNIJE**

Nakon uvida u propise Evropske unije i analize odredaba predmetnog zakona, nije ustanovljeno da pravo EU sadrži izvore koji su relevantni za predmet uređivanja istog.

### **IV. OBRAZLOŽENJE POJEDINIH ODREDBI**

**Članom 1.** vrši se tehnička ispravka.

**Članom 2.** propisuje se mogućnost ustupanja predmeta faktoringa od strane povjerioca na pružaoca faktoring usluge (cesija).

**Članom 3.** je izvršeno usklađivanje sa odredbama Zakona o Agenciji koje propisuju žalbeni postupak.

**Članom 4.** određuje se stupanje na snagu ovog zakona, a to je osmog dana od dana objavljivanja u „Službenim novinama Federacije BiH”.

### **V. FINANSIJSKA SREDSTVA**

Za provođenje ovog zakona nije potrebno osigurati sredstva iz budžeta Federacije Bosne i Hercegovine.

**Zakon o faktoringu**  
**(„Službene novine Federacije BiH“, broj 14/16)**

**- ODREDBE ZAKONA KOJE SE MIJENJAJU -**

**Član 11.**  
**(Otvoreni faktoring i skriveni faktoring)**

- (1) Otvoreni faktoring podrazumijeva obavezu faktora da sa ugovorom o kupoprodaji tražbine pisano upozna kupca.
- (2) U slučaju skrivenog faktoringa prodavac tražbine zadržava pravo kompletne realizacije naplate tražbine u svoje ime i za račun faktora. Na dan dospjeća tražbine kupac je plaća prodavcu, a ne faktoru. Prodavac tražbine je dužan transferirati na faktora razliku između tražbine i isplaćenog avansa umanjenog za kamatu na osnovu avansa i naknade faktora.

**Član 102.**  
**(Zastara i pravo stranke na pravni lijek)**

- (1) Na prekršaje iz ovog zakona primjenjuju se odredbe o zastari iz propisa Zakona o prekršajima Federacije.
- (2) Protiv rješenja Agencije žalba nije dopuštena, ali se može pokrenuti upravni spor pred nadležnim sudom.